



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

93. De eadem re.

urn:nbn:de:hbz:466:1-14622

erga uxores proprias incontinentia referretur, placuit, quod & diversis Conciliis firmatum est, ut Subdiaconi, qui sacra mysteria contrectant, & Diaconi, & Presbyteri, seu etiam Episcopi, secundum propria statuta ab uxoribus se abstineant, ut tanquam non habentes videantur esse. quod nisi fecerint, ab ecclesiastico removeantur officio. ceteros autem Clericos ad hoc non cogi nisi maturiore aetate.

De eadem re. *Ex decretis Siricij Papae*
cap. VII.

Decreta Siricij c. 7.

X CIII. Plurimos enim Sacerdotes Christi atque Levitas post longa consecrationis suae tempora tam de conjugiiis propriis quam etiam de turpi coitu sobolem didicimus procreasse, & crimen suum hac praescriptione defendere, quia in veteri testamento Sacerdotibus ac ministris generandi facultas legitur attributa. Dicat mihi nunc quisquis ille est sectator libidinum praecipitorque vitiorum, aestimat quia in lege Moyse passim sacris ordinibus à Domino nostro laxata sunt fræna luxuriae, cur eos quibus committebantur sancti sanctorum praemonet dicens: *Sancti estote quia & ego sanctus sum Dominus Deus vester.* Cur etiam procul à suis domibus anno vitae suae habitare in templo iussi sint Sacerdotes? Hac videlicet ratione, ne vel cum uxoribus possint carnale exercere commercium, ut conscientiae integritate fulgentes acceptabile Deo munus offerrent; quibus expleto deservitio- nis suae tempore uxoris usus solius successi- causa fuerat relaxatus; quia non ex alia nisi e-

tribu Levi quisquam ad Dei ministerium fuerat præceptus admitti:

De eadem re. *Capit. xcii.*

XCIV. Statutum est ab Episcopis de Presbyteris, ut qui feminas secum indiscretè habitare permittunt, & propter hoc malæ opinionis suspicione denotantur, si deinceps admoniti non se correxerint, velut contemptores sacrorum canonum, canonica invectione feriantur.

Lib. 1. Capitular. c. 98.
Burchard. lib. 2. c. 111.

Rectè hoc capitulum laudat Regino, si ratio habeatur veterum codicum. Etenim caput istud, quod in editionibus est xcviij. libri primi, xcii. est in codicibus Colbertino & Rivipullensi, ubi in libro primo desunt sex capita quæ extant in editionibus. In veteri codice MS. Bibliotheca regia, ex quo prodit prima editio Parisiensis, est numero xci.

De eadem re. *Ex Concilio Vvormaciensi cap. xxxviii.*

XCV. Placuit ut Episcopi, Presbyteri, Diaconi, Subdiaconi abstineant à conjugibus, ut non generent filios. Quòd si hoc decretum violaverint, ab honore clericatus pellantur.

Concil. Vvorē mac. c. 9.

De eadem re. *Ex decretis Papa Leonis.*

XCVI. Lex continentiae eadem est altaris ministris quæ Episcopis atque Presbyteris; qui cum essent laici sive lectores, licitè & uxores ducere & filios procreare potuerunt; sed cum ad prædictos pervenerunt gradus, cœpit eis non licere quod licuit. Unde ut de carnali

Decreta Leonis 1. c. 17.
Burchard. 1 b. 2. c. 114.